

তুইও ওঠ জেগে
কাজী নজরুল ইসলাম

দিকে দিকে পুনঃ জ্বলিয়া উঠেছে দীন ই ইসলামী লাল মশাল।
ওরে বে- খবর, তুইও ওঠ জেগে তুইও তোর প্রান প্রদীপ জ্বাল।।

গাজী মুস্তাফা কামালের সাথে জেগেছে তুর্কী সূর্য- তাজ,
রেজা পহলবী সাথে জাগিয়াছে বিরান মূলুক ইরানও আজ,
গোলামী বিসরি' জেগেছে মিসরী, জগলুল সাথে প্রান- মাতাল।।

ভুলি গ্লানি লাজ জেগেছে হেজাজ নেজদ আরবে ইবনে সউদ,
আমানুল্লাহর পরশে জেগেছে কাবুলে নবীন আল- মাম্বুদ,
মরা মরক্কো বাঁচাইয়া আজ বন্দী করিম রীফ- কামাল।

জাগে ফয়স্ম ইরাক আজম, জাগে নব হারুন -অল- রশীদ,
জাগে বায়তুল মোকাদ্দস রে, জাগে শাম দেখ টুটিয়া নিঁদ,
জাগো নাকো শুধু হিন্দের দশ কোটি মুসলিম বে- খেয়াল।।

মোরা আসহাব- কাহাফের মত হাজারো বছর শুধু ঘুমাই,
আমাদের কেহ ছিল বাদশাহ কোন কালে, তারি করি বড়াই,
জাগি যদি মোরা, দুনিয়া আবার কাঁপিবে চরণে টাল- মাটাল।।